

Lehrer Professor v. Brandis zu Bonn.

Einladungsschrift

zu

der öffentlichen Prüfung


der

Schüler des katholischen Gymnasiums zu Köln

am 12. und 13. September 1836.

Inhalt: Dr. Fr. Ley commentatio de tempore, quo Herodotus mortem obiit.

Schulnachrichten vom Director, Prof. E. J. Birnbaum.



Köln am Rhein.

Verdruck bei Johann Peter Bachem, Hof-Buchbinder und Buchdrucker.

Einladungsschrift

zu

der öffentlichen Prüfung


der

Schüler des katholischen Gymnasiums zu Köln

am 12. und 13. September 1836.

Inhalt: Dr. Fr. Ley commentatio de tempore, quo Herodotus mortem obiit.

Schulnachrichten vom Direktor, Prof. G. J. Birnbaum.



Köln am Rhein.

Gedruckt bei Johann Peter Bachem, Hof-Buchhändler und Buchdrucker.

1836

1. The first part of the document is a list of names and titles, including "The Hon. Mr. Justice" and "The Hon. Mr. Justice".

1. The first part of the text discusses the importance of maintaining accurate records of all transactions, including sales, purchases, and expenses. It emphasizes that proper record-keeping is essential for determining the correct amount of tax liability.

2. The second part of the text describes the various methods used to calculate the tax liability, including the use of tax tables and the application of various deductions and credits. It also discusses the importance of understanding the tax laws that apply to the taxpayer's situation.

3. The third part of the text discusses the various ways in which a taxpayer can pay their tax liability, including by check, credit card, or direct debit. It also discusses the importance of paying taxes on time to avoid penalties and interest.

4. The fourth part of the text discusses the various ways in which a taxpayer can claim a refund, including by filing a tax return and claiming the refund. It also discusses the importance of understanding the rules that apply to claiming a refund.

5. The fifth part of the text discusses the various ways in which a taxpayer can avoid paying taxes, including by using tax avoidance techniques. It also discusses the importance of understanding the rules that apply to tax avoidance.

6. The sixth part of the text discusses the various ways in which a taxpayer can reduce their tax liability, including by using tax deductions and credits. It also discusses the importance of understanding the rules that apply to these deductions and credits.

7. The seventh part of the text discusses the various ways in which a taxpayer can increase their tax liability, including by using tax avoidance techniques. It also discusses the importance of understanding the rules that apply to these techniques.

8. The eighth part of the text discusses the various ways in which a taxpayer can avoid paying taxes, including by using tax avoidance techniques. It also discusses the importance of understanding the rules that apply to these techniques.

9. The ninth part of the text discusses the various ways in which a taxpayer can reduce their tax liability, including by using tax deductions and credits. It also discusses the importance of understanding the rules that apply to these deductions and credits.

10. The tenth part of the text discusses the various ways in which a taxpayer can increase their tax liability, including by using tax avoidance techniques. It also discusses the importance of understanding the rules that apply to these techniques.

DE TEMPORE, QUO HERODOTUS MORTEM OBIIT.

Herodotum, patrem historiae, alii usque ad primos annos billi Peloponnesiaci vixisse, alii plus viginti annis post mortuum esse contendunt, quam diversitatem non facile suspicatus fueris in rerum scriptore, quas aut vidisse aut audisse se ipse affirmat. Atque quo magis mirari possis, non fere quisquam fuit ex recentioribus, qui historicis Graecis vel emendandis vel explicandis studia impenderunt, quin etiam de annis Herodoti disputandum sibi esse statuerit. Nimirum multi rem attigerunt, nemo, quod sciam, perfecit, et maximam partem nobis et fortasse etiam sibi fatisfecisse videntur, ut, qui nuper illius opera edidit, Baehrius, si afferrent, quae post Bouherium Wesselingiumque Dahlmannus docuisset, eique malunt acquiescere, quam veriora inquirere. Multo consideratius rem tractavit unus Kruegerus in libro, quem de vita Thucydidis scripsit, quamquam non iis semper sententiam suam argumentis mihi munisse videtur, quibus potuit. Quae si nunc proferam aliquanto firmiora, ut equidem puto, fortuna quadam factum est, qua in reges Aegyptiorum a Persarum imperio deficientes inquirens cognovi, quem Amyrtaeum Aegyptiorum regem affert Herodotus, eum falso permutari cum Amyrtaeo, quem Manetho apud Eusebium et Syncellum inter reges enumerat Aegyptios. Qua re perspecta de annis Herodoti quaerere institui, jam antea arbitratus Dionysii Halicarnassensis testimonium pluris putandum, quam Dahlmanni aliorumque conjecturas, neque dubitavi sententiam meam scriptis mandare, Niebuhrioque V. Cl. deque me optime merito abhinc octo annis tradere, ut, si probaret, in annalibus a se procuratis locum daret. Quam rem fieri propter mortem viri optimi non licuit, unde factum est, ut, quamquam viro doctissimo sententiam meam probatam fuisse ganderem, tamen quum Amyrtaei ab Herodoto memorati tempus aliaque jam in *libello de conditione Aegypti sub imperio Persarum* paulo post edito recte constituisset mihi viderer, aliis me deinde studiis detineri paterer et hac demum occasione oblata, quum examina Gymnasii nostri indicenda essent, revocarem. Ingrediar autem in hanc quaestionem ea via atque ratione, ut quae veterum fuerit opinio de tempore, quo Herodotus vixerit, explicem; quae si certa fuerit, tum licebit videre, quibus argumentis nixi illos falsos fuisse docere studuerint recentiores.

Scriptorem habemus summa auctoritate Dionysium Halicarnassensem, cujus verba in *Judicio de Thucydide* cap. 5. sunt haec: ὁ δὲ Ἀλικαρνασσεὺς Ἡρόδοτος γενόμενος ὀλίγω πρότερον τῶν Περσικῶν παρεικτείνας δὲ μέχρι τῶν Πελοποννησιακῶν. Plenum certe et praeclarum testimonium, cui hoc tantum opponere poteris, Dionysium, qui Herodotum assidue legerit, quum alia fortasse non observaret, ea ignorare non potuisse, quae ille de subita incursione a Thebanis in Plataeas facta tradidisset. Sed quum, quae de anno etiam natali significet,

ex Herodoto ipso minime posset conjicere, patet, eum allunde hausisse neque habuisse, quae praeferret. Consentit Pamphila, ex qua Gellius XV, 23. affert: *Hellanicus, Herodotus, Thucydides, historiae scriptores in iisdem temporibus fere laude ingenti floruerunt, et non nimis longe distantibus fuerunt aetatibus. Nam Hellanicus in initio belli Peloponnesiaci fuisse quinque et sexaginta annos natus videtur, Herodotus tres et quinquaginta, Thucydides quadraginta. Scriptum hoc in libro XI Pamphilae.* Ex quibus colligimus, Herodotum tertio anno ante irruptionem Xerxis natum fuisse. Quod idem bellum a Dionysio verbis allatis indicatum esse constat (cf. Heyse quaest. Herodot. part. I cap. IV). Kruegerus quidem (l. l. pag. 7.) Pamphilam contendit sine ratione et consilio res in libris suis conguessisse, neque omnino mulierum opinatur esse temporum computationes, attamen sine ratione ita scrupulos dubitationis injicere non licet, neque consensus Dionysii hic non magni habendus est. Adjiciam verba etiam Marcellini scriptoris vitae Thucydidis, quae sunt §. 54: *φαίνεται δὲ (ὁ Θουκυδίδης) ἐπὶ τῶν Ἡροδότου χρόνων γενόμενος, εἶγε ὁ μὲν Ἡρόδοτος μέμνηται τῆς Θουκυδίδης ἐν τῇ δευτέρᾳ.* Quae quidem verba manifesto ostendunt, Marcellino, seu quisquis ille scriptor fuit, in mentem venisse loci Herodoti, quem eundem supra indicavimus, at certe non parvi videtur momenti, nihil eum causae habuisse, quamobrem mortem Herodoti in posterius tempus proferret, quum scriptor vitae Thucydidis non posset facere, quin in Herodotum etiam inquireret. Quod denique Plinius (hist. nat. XII, 4.) Herodotum anno urbis trecentesimo decimo historias Thuriis condidisse memorat, fortasse eodem pertinet. Illo enim anno, qui est quartus decimus ante bellum Peloponnesiacum, colonia deducta est Thurios, comitatusque est Herodotus, quare quanquam nescii sumus, quo auctore usus sit Plinius, tamen hunc quoque non ob stare videmus, quin contendamus *ex veterum omnium opinione Herodotum vitam summum propagasse ad primos annos belli Peloponnesiaci*, quippe quorum res ipse in historiis suis memoraverit.

Priusquam vero, quae ex Herodoto ipso a quibusdam auctoritati Dionysii opposita sint, audiamus, pauca mihi disputanda sunt de ratione institutoque ejus, quo in perficiendis historiis usus saepe medio in cursu narrationis se rebus alienis commemorandis a proposito revocari facile patitur. Neque persuadebit nobis Dahlmannus, eum in his digressionibus etiam sapientiore consilio declinare videri, quam ipsum Thucydidem (Dahlm. Herod. pag. 214 sqq.). Afferre enim possum plures res in historiis memoratas, quae quid faciant ad summam non intelliges, quasque a recentiore quodam interpositas esse non eodem jure contendes, quo studuerunt I, 12. — Praecipue enim amat interponere, quae *ad comparandos mores et religiones* pertinent, ut I, 199 exposito cultu Veneris Assyriae *ἐνιαχῇ δὲ καὶ τῆς Κύπρου ἐστὶ παραπλήσιος τοῦτω νόμος* cf. I, 196; II, 167 etc. Similia sunt, quae III, 131 adjiciuntur: *ἐγένετο γὰρ ὧν τοῦτο, ὅτε πρῶτοι μὲν Κροτωνιῆται ἱεροὶ ἐλέγοντο ἀνὰ τὴν Ἑλλάδα εἶναι· δεῦτεροι δὲ Κυρηνῶται· κατὰ τὸν αὐτὸν δὲ χρόνον καὶ Ἀργεῖοι ἤκουον μουσικὴν εἶναι Ἑλλήνων πρῶτοι.* Aut comparat *proprietas locorum*, ut IV, 30, quare etiam adjicit *προςθήκας γὰρ δὴ μοι ὁ λόγος ἐξ ἀρχῆς ἐδίττετο*; aut docet rem quandam *etiam sua aetate eodem fuisse statu, aut mutatam esse*, ut I, 167; IV, 149; maxime autem res explicantur vel afferuntur, quibus loca hominesque illustret, *qui in bellis Graecorum barba-*

rorumque memoriam adepti essent, ut VII, 7. Ἀχαιμένα μὲν νῦν ἐπιτροπεύοντα Αἰγύπτου χρόνῳ μετέπειτα ἐφόνευσεν Ἰνάρως ὁ Παμμιτόχου ἀνὴρ Αἰβυς, quae res significabat bella Atheniensium in Aegypto postea gesta; eodem modo VII, 33, ubi cf. IX, 116; VII, 105—107; VII, 170; IX, 35, 37, 64, 73, 75, 105 etc. Quare si quid in historiis Herodoti traditum legimus, quibus interruptus esse rerum tenor videtur, non est, quod illico recentiorum manum suspiceris, minimeque in locis, ut III, 160, ubi Zopyrus memoratur *filius Megabyzi Atheniensibus perniciosissimi*, aut VII, 233, ubi Eurymachi mentio fit, *qui filius esset ducis Thebanorum in pugna ad Thermopylas*. Eodem pertinent, quae *de legatorum a Spartanis ad regem missorum nece* VII, 137, et *de Deceleensibus* narrantur IX, 73; quae quum cohaereant quam aptissime cum omni oratione, confirmant testimonium Plinii, Herodotum Thuriis in perficiendum opus studium contulisse. Sed videamus jam, num recte extendatur illud studium contra Dionysium in annos etiam belli Peloponnesiaci postremos. Omittemus autem locos supra allatos de incursione Plataearum VII, 233, et de nece legatorum VII, 137, cui occubuerunt anno belli secundo (Thuc. II, 67), quum de his rebus dubitatio esse nulla possit.

Ac primum quidem verba Hippiae tyranni V, 93: ἡ μὲν Κορινθίους μάλιστα πάντων ἐπιποθήσειν Πεισιστατίδας, ὅταν σφί ἤκωσι ἡμέραι αἱ κύρια ἀνιᾶσθαι ὑπὲρ Ἀθηναίων non recte mihi interpretari videntur, qui iis bellum Peloponnesiacum significari putant (Dahlm. Herod. pag. 39), praesertim quum ita cum reliqua oratione cohaereant, ut statim in componendis historiis scripta, non postea interposita videantur. In summam enim invidiam Atheniensium Korinthis adducti sunt, quum illi Megarensibus, quibuscum Korinthis de agri finibus certabant, longos muros conderent et praesidio obtinerent. Καὶ Κορινθίοις μὲν οὐχ ἥκιστα ἀπὸ τοῦδε τὸ σφοδρὸν μῖσος ἤρξατο πρῶτον ἐς Ἀθηναίους γενέσθαι (Thuc. I, 103). Varia deinde fortuna terra marique pugnarunt, sed postremum magnam calamitatem Korinthis acceperunt (Thuc. I, 106). Quae facta sunt 458 a. Chr., quo tempore Herodotus itinera nondum fecerat, multo ante, quam Thuriis profectus est.

Alter locus, quem afferunt, est IV, 80: Ὡς δὲ μετὰ ταῦτα ἐξήλυνε ὁ Σκύλης ἐς ἡθεα τὰ ἐωῦτοῦ, οἱ Σκύθαι προστησάμενοι τὸν ἀδελφεὸν αὐτοῦ Ὀκταμασάδην, γεγονότα ἐκ τῆς Τήρειω θυγατρὸς, ἐπανιστέατο τῷ Σκύλῃ· ὁ δὲ μάθων τὸ γινόμενον ἐπὶ ἐωῦτῳ, καὶ τὴν αἰτίην δι' ἣν ἐποιέετο, καταφεύγει ἐς τὴν Θρηϊκὴν. πνθόμενος δὲ ὁ Ὀκταμασάδης ταῦτα, ἐστρατεύετο ἐπὶ τὴν Θρηϊκὴν· ἐπεὶ τε δὲ ἐπὶ τῷ Ἰστρῷ ἐγένετο, ἠντίασάν μιν οἱ Θρηϊκῆς· μελλόντων δὲ αὐτέων συνάψαι, ἔπεμψε Σιτάλκης παρὰ τὸν Ὀκταμασάδην, λέγων τοιάδε κ. τ. λ. Neque haec verba postea ab Herodoto interposita esse, sed cum omni de Scythis narratione conscripta videntur, quam quum instituerit bella Darii regis contra Graecos expositurus, certe non temere statuemus Thuriis primum esse scriptis mandatam. At Dahlmannus inde effici putat, Sitalcen illo tempore, quo illa essent scripta, omnibus notum fuisse, qui factus esset icto cum Atheniensibus foedere anno belli primo (Thuc. II, 67). Minime recte. Jam enim Teres pater Sitalcis magnae illius potentiae Odrysarum auctor fuit, quare ipse et filius propter colonias Threicias Atheniensibus multo ante bellum Peloponnesiacum, cujus initio Sitalces jam admodum provecta aetate fuisse constat (cf. Thuc. II, 101) noti essent oportuit;

neque ex nominibus ita memoratis omnino id colligi potest, quum alia eodem modo afferantur, ut V, 17, ubi legati dicuntur a Persis missi esse παρ' Ἀμύντην, αἰτήσαντες γῆν τε καὶ ὕδωρ Δαρείῳ βασιλεῖ. Cujus Amyntae filium Alexandrum, quanquam ei hospitium publicum cum Atheniensibus esset, tamen infra nominat τὸν Ἀμύντιω ἄνδρα Μακεδόνα (VIII, 136). Maximi autem momenti est, quod Herodotus de florentibus rebus Odrysarum, quae subito comparentes tertio anno belli ingentem terrorem finitimus omnibusque fere Graecis attulerunt (Thuc. II, 101), nihil comperti habuisse videtur, quum in describenda Darii in Scythas expeditione narratione instituta de Thracum populis moribusque certe illos non minus quam Getas, quas ex omnibus fortissimos esse tradit (IV, 93), memoravisset. Sed obiter tantum nomen eorum occurrit (IV, 92).

Ne quid praetermittam, quod testimonio Dionysii opponere studuerunt recentiores, breviter etiam tres Herodoti locos attingam, quibus res memoratas esse Dahlmannus (l. l.) arbitratur paulo ante mortem Artaxerxis regis gestas. Quem mortuum esse constat 424 a. Chr. Primus ex illis est VII, 151, ubi legatos Atheniensium multis annis post pugnam Salaminiam Susis fuisse narrat, cujus legationis principem locum Calliam tenuisse. Adjicit: Ἀργεῖους δὲ τὸν αὐτὸν τοῦτον χρόνον πέμψαντας καὶ τούτους ἐς Σοῦσα ἀγγέλους, εἰρωτᾶν Ἀρταξέρξεα τὸν Ξέρξεω, εἴ σφι ἔτι ἐμμένει, τὴν πρὸς Ξέρξεα φιλίην συνεκράσαντο ἢ νομιζοίατο πρὸς αὐτοῦ εἶναι πολέμιοι. κ. τ. λ. At vero inconsulte judicant, qui non inscii, quam accurate Thucydides res belli Peloponnesiaci tractaverit, illam legationem ab eodem praetermissam statuunt, quum alteram memoret, quae morte regis audita infecta re ex itinere redisset (Thuc. IV, 150). Atque, ut omittam, quae Plutarchus, Diodorus alii que de legatione illa perhibent, Dahlmanni conjuncturae repugnantes, nonne imprudenter facimus, quod Argivos, quorum induciae tricennales cum Spartanis sexto demum anno post (Thuc. V, 14) exirent, nulla re adductos statuimus, *non initio sed sub finem imperii* Artaxerxis, qui regnum quadraginta annos obtinuit, legatos misisse, qui quaererent, num sibi permanent pactiones, quas cum Xerxe patre inissent. Imo multo rectius judicabis, si Argivos, quorum induciae tricennales cum Spartanis anno undecimo belli (420 a. Chr.) finiebantur, quosque etiam Xerxe in Graeciam irruente (480 a. Chr.) tricennalia foedera cum illis junxisse ex Herodoto potes colligere (VII, 148 et 150), anno 450 a. Chr. illas inducias composuisse et aliquanto ante, quum bellum Spartanorum impenderet, legatos ad regem misisse conjicies.

Alterum locum VII, 114 cum tertio III, 160 hic comprehendam. At priore nil occurrit, nisi quod Amistris, uxor Xerxis, facinus quoddam crudele γηράσασα commisisse perhibetur, posteriore Herodotus, ubi Darium opera Zopyri cujusdam magnis deinde praemiis affecti Babylonem rebellantem cepisse tradidit, adjecit haec: Ζωπύρου δὲ τούτου γίνεται Μεγαβύζος, ὃς ἐν Αἰγύπτῳ ἀντίᾳ Ἀθηναίων καὶ τῶν συμμάχων ἐστρατήγησε. Μεγαβύζου δὲ τούτου γίνεται Ζώπυρος, ὃς ἐς Ἀθήνας ἡντομόλησε ἐκ Περσέων. De his Photius in excerptis Ctesiae (pag. 61. ed. Hoeschel.): Ζώπυρος δὲ ὁ Μεγαβύζου καὶ Ἀμύντιος παῖς, ἐπεὶ αὐτῷ ὁ τε πατήρ καὶ ἡ μήτηρ ἐτελεύτησεν, ἀπέστη βασιλέως· καὶ εἰς Ἀθήνας ἀφίκετο κατὰ τὴν τῆς μητρὸς εἰς αὐτοῦς ἐνεργείαν· εἰς Καῦνον δὲ ἅμα τρεῖς ἐπομένους εἰσέπλευσε καὶ ἐκέλευσε παραδιδόναι τὴν

πόλιν· Καύνιοι δὲ αὐτῷ μὲν παραδιδόναι τὴν πόλιν ἔφασκον· Ἀθηναῖοις δὲ τρεῖς συνεπομένοις οὐκ ἔτι· εἰσιόντι δὲ Ζωπύρῳ εἰς τὸ τεῦχος λίθον Ἀλκίδης Καύνιος ἐμβάλλει εἰς τὴν κεφαλὴν, καὶ οὕτω Ζωπύρος ἀποθνήσκει· Ἀμιστρίς δὲ ἡ μάμμη τὸν Καύνιον ἀνεσταύρωσεν· ἀποθνήσκει δὲ καὶ (ἡ) Ἀμιστρίς κάρτα γραῦς γενομένη· καὶ Ἀρταξέρξης δὲ ἀποθνήσκει μ' καὶ β' ἔτεα βασιλεύσας. Megabyzus ille pater Zopyri profugientis bellum Aegyptium contra Inarum et Athenienses auxiliantes confecerat 457 a. Chr. et quum captivis Atheniensibus contra fidem datam necatis obedientiam regi recusaret, exilio multatus est. Sexto anno post reconciliatus regi praefuit militibus contra Cimonem missis 449 a. Chr. (Diodor. XII, 4) et paulo post mortuus est. Atque quum etiam Amytis uxor non multo ita post mortem obiret (Excerpt. Ctes. l. l.), Zopyrus defecit, Athenasque profectus est. Quae res vix ultra annum 440 a. Chr. proferenda erit, qui est annus quintus, postquam Herodotus Thurios profectus est. Quare etiam non repugnabo, si quis, quae verba supra ex Herodoto III, 160. attuli, postea ab eo interposita esse statuatur. Quod denique gesserit Amistris, mater Artaxerxis γηράσασα, magis mirum est, quomodo iis annum mortis Artaxerxis indicari arbitreris, quum jam aliquanto ante regnum ab eo susceptum multos illa vidisset annos, quos matrimonia filiorum probant (Ctes. c. 20. Herod. IX, 108 sqq.), isque quadraginta duos annos regnaret.

Quod fieri solet, si homines opinione magis quam re ducuntur, ut verba etiam male interpretantes illam probare studeant, id nescio an iis acciderit, qui narrationem quoque IX, 73. de Deceleensibus prolatam hic arcessunt eaque nituntur. Quo loco Herodotus raptum Helenae a Theseo commissum narrat, quam investigantes Tyndaridas incursionem in Atticam fecisse adjuvantibusque aut Deceleensibus aut Decelo ipso eam Aphidnis occultatam recepissee. Τοῖσι δὲ Δεκελεῦσι ἐν Σπάρτῃ ἀπὸ τοῦτου τοῦ ἔργου ἀτελείῃ τε καὶ προεδρίῃ διατελεῖ εἰς τὸδε αἰεὶ ἔτι εὐῶσα, οὕτω ὥστε καὶ εἰς τὸν πόλεμον τὸν ὕστερον πολλοῖσι ἔτεσι τούτων γεγόμενον Ἀθηναίοισι τε καὶ Πελοποννησίοισι, σινεομένων τὴν ἄλλην Ἀττικὴν Λακεδαιμονίων, Δεκελῆς ἀποσχέσθαι. Quae verba ad annum undevicesimum belli (412 a. Chr.), quo Agis Deceleam occupatam in maximum detrimentum Atheniensium mūniverit, non sine quadam imprudentia referri jam rectissime iudicavit Wesselingius, neque vero verborum sensu obstante ita scriptorum explicare sententias licet. Negari quidem omnino non potest belli temporibus mista passim cum veris commenta vagari, sed non tam longe distabant Thurii ab Athenis, neque erant coloniae Italicae illis temporibus ita sejunctae a Graecis, quin falsis remotis res majoris momenti ipsae, quae essent, paulo post, ne dicam statim, cognitae essent, et quod gravius erit, statuemusne Herodotum, hominem veri studiosissimum, quam rem novam ex Graecia nauta quidam sibi attulisset, ne adjecto quidem φασὶ in opus summa cura elaboratum temere transtulisse? Differunt ab Herodoto et inter se Plutarchus, Diodorus et Strabo, quibus nituntur, qui locum allatum explicare student. Plutarchus enim non Decelum sed Academum illum fuisse adiutorem perhibet, Spartanosque illius beneficii memores fines postea depopulantes Academiae pepercisse. Mentionem etiam fecit Marathi et Echedemi, qui, ut alii traderent, Tyndaridas secuti essent, unde tribus duae Atticae nomen accepissent (Thes. c. 32). Aliis igitur auctoribus usus est Plutarchus ueque ideo rejiciendus, ut Dahl-

mannus arbitratur, quod postea Agis Athenas obsidens in ipsa Academia castra posuerit. Nam et mores Graecorum in illo bello vehementer mutati sunt, et longe aliud est, locum hostiliter diripere et eum occupare, ut in alium invadas. Diodorus contra (XII, 45) Spartanos pepercisse tradit tetrapoli, quae diceretur, ubi majores consedissent et ab incolis adjuti Eurystheum invadentem vicissent. Idem de Tricorytho, quae pars erat illius tetrapolios, refert IV, 57. Atque consentire Diodoro videtur Strabo (VIII, pag. 597 Almelov.) Euristheum narrans in bello contra Heraclidas, quos Athenienses adjuvissent, Marathone periisse, quod idem oppidum tetrapolios fuit, et verbis etiam Plutarchi supra annotatis indicari videtur. Patet igitur, Spartanos pietate adductos clementius tractasse aliquos, illosque falsos esse, qui verba Herodoti recto sensu interpretari nolunt. Neque obstat, quod Thucydides rem non memoravit, cujus non erat, quae res ad summam belli levissimae essent, omnes explicare. Neque certe pro argumento afferre debebat Dahlmannus, quod dixit Thucydides II, 23. ἄραντες ἐκ τῶν Ἀχαρνῶν ἐδῆρουν τῶν δῆμων τίνας ἄλλους τῶν μεταξὺ Πάρνηθος καὶ Βοιλέσσου ὄρους, quibus probaretur Deceleam, quae ibi sita esset, vastatam esse. Nam potuissentne dici Deceleae pepercisse, si alio movissent, in locum ipsum non venissent?

Ex gravioribus locis, ad quos nunc tractandos aggredior, fortasse alter hic praetermittendus erat (III, 15), quum in libro, quem supra de fatis Aegypti me scripsisse demonstravi (pag. 55 sqq.), apertissime eum jam explicuisse mihi videar, attamen quum ille liber non fere cuique ad manus sit, breviter repetam, ne ad editores, qui varie hic disserunt, vera a falsis non dijudicantes, confugiendum sit. Herodotus igitur illo loco *multis argumentis* probari narrat, regum liberos a Persis honoratos esse, ἐν δὲ δὴ καὶ τῷδε, τῷ Αἰβύος Ἰνάρῳ παιδὶ Θαννύρῳ, ὃς ἀπέλαβε τὴν οἱ ὁ πατὴρ εἶχε ἀρχήν· καὶ τῷ Ἀμυρταίου Πανσίρῳ καὶ γὰρ οὗτος ἀπέλαβε τὴν τοῦ πατρὸς ἀρχήν· καὶ τοι Ἰνάρῳ τε καὶ Ἀμυρταίου οὐδαμοί κω Πέρσας κακὰ πλέω ἐργάσαντο· κ. τ. λ. Ergo scripsit Herodotus *post regnum Amyrtaei*, quem cum Inaro rebellionem Aegyptiorum 465 a. Chr. movisse scimus. Aegyptii autem victi et Inaro necato sub imperium Persarum redacti sunt 456 aut 457 a. Chr., quamquam Amyrtaeus paludibus per aliquot annos se defendens etiam sex annis post ab Atheniensibus adjutus est (Plut. Cim. c. 10). Quae deinde gesta sint, nescimus quidem, Herodotum vero, qui *post* has turbas Aegyptum peragravit (III, 12), omnia pacata vidisse constat, quum conventus diis celebratos (II, 96) et Persas in praesidiis collocatos videret (II, 30; III, 9), neque ulla re prohibitum se esse memoret, quo minus in totam terram inquireret, quare non est, quod dubitemus, tum Aegyptum bello etiam Amyrtaei composito suis quidem legibus usam non esse, sed, ut Herodotus tradit, populares habuisse reges. At enim alter Amyrtaeus a Manethone profertur, mortuo Dario Notho Aegyptum obtinens, quocum noster falso a plerisque permutatur. Nam Aegyptios anno *quarto decimo* Darii (411 a. Chr.) rursus rebellasse et usque ad invasionem Darii Ochi suis legibus suisque regibus esse usos demonstravi libro saepius laudato pag. 55, et explicavi Diodorum I, 44. ab editoribus prave intellectum. Quare quum Manetho reges Aegyptios *post mortuum* demum *Darium Nothum* (404 a. Chr.) enumeret, in errorem maximum se induci passi sunt Eusebius et

reliqui chronographi, illam seriem regum Aegyptiorum *septem annis prius* incipere statuentes, quam re vera regnarunt, unde maxima apud eos perturbatio rerum orta est, quum omnes illos reges a Dario Notho usque ad Darium Ochum eo jam tempore mortuos esse perhibeant, quo inter omnes constat eos vixisse (cf. l. l.). Ergo si Manethonem auctorem sequimur, qui unus hic est audiendus, Amyrtaeus regnavit post Darium Nothum 404—399 a. Chr., atque certe mirum est, ex similitudine nominum, quo uno stant argumento, hunc eundem statuere, atque Herodoti, qui 460 a. Chr. a Persis defecit, et hac una ex ratione Herodoti vitam contra Dionysii auctoritatem plus triginta annos propagare. At vero minime sunt permutandi, quum *priori successorem fuisse filium Pausirim* Herodotus narret, *posteriorem contra e Saitarum gente prognatum Nepherites secutus sit e gente Mendesiorum ortus*, Pausirimque ille a *Persis institutum* esse perhibeat, Nepheriten ne poterant quidem Persae instituere, ut qui apud Aegyptios nihil tum valerent.

Majore paene inopia, si monumenta testimoniaque veterum spectas, teneri videmur in explicando altero loco I, 130. Ubi quum Astyage victo Medi imperium amisisse dicantur, sequuntur verba: ὅστερῳ μέντοι χρόνῳ μετεμέλησέ τέ σφι ταῦτα ποιήσασι καὶ ἀπέστησαν ἀπὸ Δαρείου· ἀποστάντες δὲ ὀπίσω κατεστράφησαν μάχῃ νικηθέντες. τότε δὲ ὑπὸ Ἀστυάγειος οἱ Πέρσαι τε καὶ ὁ Κῦρος ἐπαναστάντες τοῖσι Μήδοισι ἤρχον τὸ ἀπὸ τούτου τῆς Ἀσίας κ. τ. λ. Quae defectio Medorum quo tempore facta sit, dubitant. Nam quum res gestas Darii Hystaspis filii tam copiose exposuerit, neque tamen usquam haec defectio Medorum indicari videatur, Darium Nothum esse, quem hic significaret, putant, quo regnante Medos desciscentes a Persis sub imperium redactos esse (409 a. Chr.) Xenophon auctor sit (Hellen. I, 2, 19). Sunt etiam, qui suspicentur, verba illa postea esse interposita, ut Kruegerus l. l. pag. 26., sunt denique, qui Xenophonti quoque suam abjudicaturi sint narrationem. De quibus conjecturis nihil dicam, quum iis facile carere posse mihi videar, neque ita difficultates evincere liceat. Atque primum in verbis allatis id animadvertendum est, quod ad tempus defectionis significandum hanc rem ὅστερῳ χρόνῳ accidisse adjecit, quum, quae ejus cura fuit, multum differat, utrum res πολλοῖσι ἔτεσιν ὕστερον an χρόνῳ μετέπειτα, an χρόνῳ ὕστερον πολλῷ, an ὕστερον an ὕστερον τουτέων gesta sint, de quibus conferatur, quae disputavi in libro laudato pag. 68 sq. Observavit etiam Kruegerus l. l. — Ergone statuemus, Herodotum hac in re, qua, si ad Darium Nothum referenda est, nihil est omnium, quae apud eum legantur, posterius, minimum curae adhibuisse? Accedit, quod prioris Darii res gestas enumerat plures per libros, posteriorem nusquam alibi memorat, quare, ne alter cum altero confundatur, hujus nomen non ita afferre poterat, ut Sitalcis (IV, 80) aut Amyntae (V, 17). Neque necesse fuit haec defectio copiosius exponeretur, quum Herodoti esset, summas tantum res enarrare (I, 177), quaeque Graecis rebus implicatae essent, ut verbi gratia Darium etiam in Aegypto fuisse compertum habemus neque causis ab Herodoto expositis neque itinere ipso (Diod. I, 95 cf. I, 58. Herod. II, 110). Sed nullam dubitationem relinquemus, quum aliis quoque locis demonstrari possit, Medos contra Darium priorem rebellasse. Nam qui Magi imperium affectasse traduntur, ex gente ejusdem nominis Medica oriundi fuerunt (I, 110. III, 73), ut Pasargadae, quorum familia sunt

Achaemenides, gens Persica fuit (I, 125). Unde etiam postea Persae Magos fraude detecta fere omnes trucidarunt festumque diem Magophoniam egerunt (III, 79). Defectio igitur Magorum fuit conatus Medorum imperium ab Astyage contra Persas amissum recipiendi, quod apertis verbis ipse Cambyses moriens dicit (III, 65). Ob imperium enim fuerunt Persae in magna invidia Medorum, quae jam divinatione Magorum de Cyro puero deliberrantium (I, 120 cf. I, 129) significatur, neque nescii erant Persae illius invidiae (cf. III, 62). Quare Magis interfectis turbae exorirentur necesse fuit, quum Medi imperium affectarent, Persae tuerentur. Memorat non tantum hanc *ταραχήν* occisione Magorum concitatam (III, 150.) — nam imperium illis tenentibus omnia quietae erant — sed eam dicit etiam a Medis imperium concupiscentibus esse concitatam III, 126: *χρόνῳ δὲ οὐ πολλῷ ἕστερον καὶ Ὀροίτηα Πολυκράτεος τίσιες μετῆλθον. μετὰ γὰρ τὸν Καμβύσειω θάνατον καὶ τῶν Μάγων τὴν βασιληΐην μένων ἐν τῇσι Σάρδισι Ὀροίτης ὠφέλει μὲν οὐδὲν Πέρσας ὑπὸ Μήδων ἀπαραιρημένους τὴν ἀρχὴν· ὁ δὲ ἐν ταύτῃ τῇ ταραχῇ κατὰ μὲν ἔκτεινε Μιτροβάτεια τὸν ἐκ Δασκυλείου ὑπαρχον, ὃς . . . ἄλλα τε ἐξύβρισε παντοῖα καὶ τινα ἀγγαρήϊον Δαρείου ἐλθόντα παρ' αὐτὸν, ὡς οὐ πρὸς ἡδονὴν οἱ ἦν τὰ ἀγγελλόμενα, κτείνει μιν ὀπίσω κομιζόμενον. . . . Δαρεῖος δὲ ὡς ἔσχε τὴν ἀρχὴν, ἐπεθύμει τὸν Ὀροίτηα τίσασθαι . . . ἐκ μὲν δὴ τῆς ἰθείης στρατὸν ἐπ' αὐτὸν οὐκ ἐδόκει πέμπειν ἅτε οἱ οἰδεόντων ἔτι τῶν πραγμάτων, καὶ νεωστὶ ἔχων τὴν ἀρχὴν καὶ τὸν Ὀροίτηα μεγάλην τὴν ἰσχὺν πυνθανόμενος ἔχειν κ. τ. λ.* Darius igitur imperium Persis restitutum magnis certaminibus ab Medis defendit, ut post aliquod demum tempus regnum firmaret, idque certamen animo Herodoti obversari oportuit, *de principatu Medorum ejusque fine* dicenti.

Atque quum haec potissimum sunt, quibus nituntur, qui Herodotum usque ad finem belli Peloponnesiaci vixisse contendunt, non jam erit, quod dubites Dionysium sequi. Reliquum est, quum conjecturas recentiorum rejecerimus, ut hanc quoque rationem ineamus, *qua ex opere Herodoti ipso demonstratur posteriore eum tempore, quam quo Dionysius dixerit, historias conficere non fere potuisse.* Leguntur enim quaedam apud Herodotum, quae ei mutanda, desiderantur alia, quae adjicienda fuisse videntur, si diutius vixisset. In quam disputationem ingredientem me non praeterit, quam difficile sit ex iis, quae scriptor non annotaverit, quidquam colligere, praesertim quum Herodotus aliquanto ante e Graecia emigraverit, quam opus conficeret. Quam multa eum fugerent quamvis cognoscendi cupidum, quam falso multa referrentur oportuit, quae in librum transferre nollet! Accedit, quod multas res compertas habuit, easque memorandi etiam occasio non defuit, attamen non adjecit, quia aut supervacuum videbatur, aut a proposito aberrare nolebat. Ut exemplum admodum grave proferam, saepius memorat Myrcinum, urbem Histiaei et novem vias, quae dicebantur, et metalla Thasiorum (V, 11. 23. 126. VI, 46. VII, 114), pugnae Atheniensium quoque de metallis postea cum Edonibus commissae (IX, 75.), non dicit, illas novem vias postea constituta colonia Atheniensium Amphipolim vocatam, Thasiorumque reditus ex metallis ab Atheniensibus esse circumscriptos (Thuc. I, 100). At vero quin ante cladem Atheniensium in Sicilia acceptam opus condiderit, minime est dubitandum, quum VII, 170 calamitatem Tarentinorum et Rheginorum omnium maximam fuisse

perhibeat, quae usque ad suam memoriam Graecis essent illatae. Nulla enim caedes Graecorum conferri potuit cum Atheniensi nec numero caesorum, nec magnitudine malorum inde exortorum, quare et Dahlmanno aliisque ille locus maxime notabilis visus est.

Eadem fere et plura etiam ex verbis VI, 98 a Dahlmanno longe alio sensu explicatis colligere posse mihi videor: μετὰ δὲ τοῦτον ἐνθελύττει ἐξαναχθέντα (Datim ducem Persarum 490 a. Chr.) Ἀήλος ἐκινήθη, ὥς ἔλεγον οἱ Ἀήλιοι, καὶ πρῶτα καὶ ὕστατα μέχρι ἐμεῦ σειςθεῖσα. καὶ τοῦτο μὲν κού τέρας ἀνθρώποισι τῶν μελλόντων εἶσθαι κακῶν ἔφηγε ὁ θεός· ἐπὶ γὰρ Δαρείου τοῦ Ὑστάσπεος καὶ Ξέρξεω τοῦ Δαρείου καὶ Ἀρταξέρξεω τοῦ Ξέρξεω, τριῶν τουτέων ἐπέξῃς γενέων ἐγένετο πλέω κακὰ τῇ Ἑλλάδι ἢ ἐπὶ εἴκοσι ἄλλας γενεὰς τὰς πρὸ Δαρείου γενομένας, τὰ μὲν ἀπὸ τῶν Περσέων αὐτῇ γινόμενα τὰ δὲ ἀπ' αὐτέων τῶν κορυφαίων περὶ τῆς ἀρχῆς πολεμιόντων· οὕτω οὐδὲν ἦν αἰκὲς κινήθηναι Ἀήλον τὸ πρὶν εὐῶσαν ἀκίνητον. κ. τ. λ. Quibus verbis ne quis cum Dahlmanno regni quoque Artaxerxis finem indicari suspicetur, quum illi tres reges fere centum annos (si verum scire vis *nonaginta septem*) regnassent, eorumque regna tres aetates nominentur, illam de aetatibus opinionem vulgarem esse falsam perpendat, omninoque filios et qui iis aequales sint alteram aetatem vocari (cf. quae de hac re disput. l. l. p. 67 sqq.). Nec bellum quidem Peloponnesiacum *illis malis* indicari putabis, si invidiam Peloponnesiorum, ex quo maxima gloria parta Athenienses principatum obtinebant Graeciae, qua ducti semper eorum conatibus officere studebant (cf. Thuc. I, 97), si etiam proelia ad Tanagram, ad Oenophytam, ad Koroneam spectaveris, quaequae alia bellā interna post seditionem tertiam Messeniorum Graeciam vexarunt (Thuc. I, 105—113). Immo vero, id quod praetermisit Dahlmannus, ut aliam rem mox annotandam, nostro loco efficitur, *ignotum fuisse Herodoto Darium posteriorem*, quo regnante maxima calamitate Graeci et imprimis Athenienses, qui praeter ceteros Graeciam a barbaris defenderant (VII, 137), affecti sunt. Quare Herodotus *post mortem Artaxerxis* 424 a. Chr. opus condidisse minime videtur. Atque etiam animadvertendum est, illum motum terrae in insula Delo, ut Herodotus tradit, usque ad suam aetatem et primum et postremum fuisse, quum et Thucydides illi repugnans, quum exposuerit, quanta in exspectatione omnes Graeci incursione in Plataeas facta fuissent, adjiciat: ἔτι δὲ Ἀήλος ἐκινήθη ὀλίγον πρὸ τούτων πρότερον οὕτω σειςθεῖσα ἀπ' οὗ Ἑλληνες μέμνηνται· ἐλέγεται δὲ καὶ ἐδόκει ἐπὶ τοῖς μέλλουσι γενήσεσθαι σημεῖναι κ. τ. λ. (II, 8). Minime probanda videtur Wesselingii explicatio Thucydidis ὀλίγον πρότερον laxius sumentis atque ad illam tremorem adplicantis, quem Herodotus memoraverit, sed accedendum Valkenaerio priorem tremorem suspicanti aut Graecis ignotum aut ab iis non creditum fuisse. Et ipse Herodotus oraculis, portentis, similibusque rebus tam libenter credulus (VI, 27.) dubitasse videtur, quare et verba ὥς ἔλεγον οἱ Ἀήλιοι adjicit et argumenta affert, cur probabile sit, terram esse motam. Atque quum uterque scriptor contendat, illum tremorem *primum* fuisse, conjectura fiat necesse est, sacerdotes harum narrationum auctores fuisse, quas, ut sanctitas inde loci appareret, aut ipsi fingeant, aut fictas augebant. Quibus in terris auctoritas tallum rerum tanta est, quanta tum apud Graecos, praesertim quum maximae res immineant, falluntur saepe homines prodigia nuntiantes et temere credentes, quod etiam Romae evenire solebat (Liv. XXI, 62. XXII, 1.),

quare, si Persica bella non exorta essent, neque Herodotum de oraculis sciscitantem quidquam ejusmodi audisse puto, et Thucydidem ipsum propter magnitudinem belli magnitudinem prodigiorum (I, 23), quae eo plura erant, quo attentiores erant animi, et nuntiasse et explicasse judico. Quin etiam illa tantum calamitate Deliorum ineunte anno decimo belli (Thuc. V, 1.) fortasse factum est, ut vulgatiores esset fama illius tremoris, quem suo loco memorari voluit scriptor. Sic patet, cur et Thucydides prioris nescius fuerit et Herodotum de altero nil habuisse compertum at certe re comperta suam narrationem emendatum fuisse, si, ut quidam volunt, usque ad finem illius belli operi condendo studuisset. Jam morte Artaxerxis definiendas Herodoti historias modo constituebam, at fortasse ne is quidem terminus habendus. Thucydides enim Plataeenses tradit Spartanis oppugnantibus legatos misisse, qui dicerent, Spartanos injuste facere, quod Thebanos sibi inimicissimos adjuvarent seque perdere studerent, *quum Pausanias olim propter rem a patribus contra Persas egregie gestam urbem agrosque concessisset, ut semper suis legibus uterentur.* Cujus rei nullam mentionem fieri apud Herodotum perdiligenter talia annotantem certe esset, quod mirareris, nisi animadverteres, hujusmodi promissa toties fere homines oblivisci solere, quoties fierent, neque futurum fuisse, ut Plataeenses illorum reminiscerentur, si difficultas rerum non admonuisset. Itaque patet, quum Herodotus Plataeenses narret auxilia Spartanorum contra Thebanos implorantes ad Athenienses esse rejectos (VI, 109. cf. Thuc. III, 55), cur non idem, quae postea inde mala essent oborta, narret, quamquam Spartanos per dolum causas discordiarum inter Athenienses Thebanosque serere voluisse non ignoraverit, certaminaque eorum exposuerit. Quare etiam, id quod supra animadverti, non jam magnopere errabimus statuantes Herodotum de magnis viribus Odrysarum nil cognovisse. Nam eodem anno oculos Graecorum in se converterunt, quo Peloponnesii Plataeas obsidione cinxerunt, 429 a. Chr.

Quae quum ita sint, unice probandum est Dionysii testimonium nec jam audiendi videntur, qui aetatem Herodoti primis annis belli Peloponnesiaci non definiendam esse arbitrantur. Atque quae solae res, ex quo Thuriis abiit, gestae esse videntur, quod Zopyrus Athenas venerit (III, 160), quod Thebani incursionem in Plataeas fecerint (VII, 233), quod legati Spartanorum necati sint (VII, 137), quum eas historiis jam compositis postea interpositas esse appareat, conjecturam facere etiam licet, scriptorem Thuriis operam quidem dedisse illis perficiendis, sed rebus adversis aut morte matura esse impeditum.
